
OFFERYNNAU STATUDOL CYMRU

2015 No. 1842

**Rheoliadau Gofal a Chymorth (Adolygu Penderfyniadau
a Dyfarniadau Gosod Ffi) (Cymru) 2015**

Yr amgylchiadau pan ganiateir gwneud cais am adolygiad

4. Caiff cais ymwneud ag amgylchiadau a honnir gan y ceisydd fel a ganlyn—
- (a) nad yw awdurdod lleol wedi cydymffurfio, pan fo'n briodol, ag unrhyw un o'r dyletswyddau a osodir arno gan—
 - (i) Rhan 5 o'r Ddeddf neu gan reoliadau a wnaed oddi tani;
 - (ii) unrhyw reoliadau a wnaed o dan adrannau 50 i 53 o'r Ddeddf; neu
 - (iii) y cod ymarfer ar asesu ariannol a chodi ffioedd a ddyroddwyd o dan adran 145 o'r Ddeddf;
 - (b) nad yw awdurdod lleol wedi cymhwyso'n gywir ei bolisi ei hunan ar godi ffioedd, wrth osod unrhyw ffi;
 - (c) y gwnaed camgymeriad wrth gyfrifo'r ffi;
 - (d) y gosodwyd ffi am ofal a chymorth nas darparwyd erioed i'r ceisydd;
 - (e) bod y ceisydd o'r farn nad oes ganddo'r modd ariannol i dalu'r ffi gan y byddai talu'r ffi yn achosi caledi ariannol;
 - (f) bod ceisydd sy'n drosglwyddai atebol yn honni nad yw'r trosglwyddiad asedau perthnasol yn bodloni'r amodau yn adran 72(1) o'r Ddeddf, oherwydd bod un neu'r ddau o'r canlynol yn gymwys—
 - (i) na wnaed y trosglwyddiad gyda'r bwriad o osgoi ffioedd am ddiwallu anghenion person; neu
 - (ii) mai'r gydnabyddiaeth a dalwyd am drosglwyddo'r ased oedd y swm y byddid wedi ei gael pe bai'r ased wedi ei werthu ar y farchnad agored gan werthwr parod ar yr adeg y gwnaed y trosglwyddiad.